

Inatsisissatut siunnersuummut nassuiaatit

Nassuiaatit nalinginnaasut

1. Aallarniut

1.1 Tunngaviusoq

Ilaqutariinnermut, Naligiissitaanermut Isumaginninnermullu Naalackersuisoqarfiup kommunit isumaginninnikkut inatsisunik toqqammaveqarlutik ingerlatsinerannik nakkutilliisuuffigivai, nakkutilliinerminnullu tunngatillugu maluginiarsimallugu annertuumik ernumanarluinnartumillu suliassat isumaginiarneqarneranni tulleriiaarneqarnerannilu, taamatullu meeqqanik inuusuttuaqqanillu ajornartorsiuteqartunik nalunaartussaataitaanermut ikiorsiinissamullu iliuusissat sumiginnarneqartarsimasut.

Meeqqanut Illersuisup 2015-imi angalasimanerminit nalunaarusiornermini meeqqat inuusuttuaqqallu atugarisaat takusimasani toqqammavigalugit nalunaarusiornermini ernumanarluinnartutut naliliiffigisimavaa, soorlu nalunaaruteqartarsimannginnerit ikiorsiinissamullu iliuseqartarsimannginnerit tikkuarsimallugit. Meeqqanut Illersuisup sulinermini toqqammavigisussaavai meeqqat illersuisoqarnerat meeqqanillu siunnersuisoqarneq pillugu Inatsisartut inatsisaat nr. 11, 22. november 2011

Nalunaarsugassatut ikiorsiisarnernilu suliassat isumagineqartarneranni tulleriiaarneqartarnerinilu periuserineqartut kommuni ataaseq eqqarsaatigalugu manna tikillugu qulaajaasoqareersimalerpoq. Ilaqutariinnermut, Naligiissitaanermut Isumaginninnermullu Naalackersuisoqarfiup tunngavissaqarpoq ilimagissallugu, aamma kommunini allani meeqqat inuusuttuaqqallu atugarliuuteqartut pillugit nalunaarsugassat ikiorsiissutigineqartussallu qarsupittumik suliarineqartarsimasinnaanissaat pillugu.

Naliliivigineqarsimavoq Naalackersuisut kommunit isumaginninnikkut ingerlatsiveqarfiinik ikiorsiisariaqartassasut, tamatumani paasineqarpat kommunip innuttaasut inatsisit toqqammavigalugit pisinnaatitaaffiinik qarsupittumik amigartumilluunniit periuseqarsimassappat. Siunnersuut manna toqqammavigalugu Naalackersuisut pisinnaatitaapput, ilaannakortumik tamakkiisumilluunniit kommunip isumaginninnikkut maleruagassat toqqammavigalugu ingerlatsineranik arsaarinnikkallarnissaanut. Siunnersuummi matumani pineqarput isumaginninnikkut maleruagassat suugaluartulluunniit, tamatumani aamma ilanngullugu meeqqat inuusuttuaqqallu ikiorserneqartarnerat pillugu Inatsisartut peqqussutaat.

1.2 Ingerlatsivimmi aqutsineq

Isumaginninnermut maleruagassat kommunip ingerlatsiviani aqunneqarnerisa nukittorsarnissaanut aammalu innuttaasut pisinnaatitaaffiisa qularnaarnissaannut suliniutinik siunnersuutinillu saqqummiusseqqullugit, Inatsisartut Ilaqutariinnermut Peqqissutsimullu Ataatsimiititaliaata kingullermik UKA 2015-imi Naalackersuisut kaammattorpai.

Isumaginnittoqarfiup aqunneqarneranik aaqqissuussaananeranillu allannguuteqartitsinissaq pillugu Inatsisartut inatsisissaattut siunnersuummi matumani, isumaginninnermut maleruagassat ingerlatsivimmi aqunneqarnerisa annertunerusumik aallunneqalernissaanut ilassuteqarnissaq siunertaavoq.

1.3 Aalajangiisinnaatitaaneq

Siunnersuummi isumaginninnermut suliassaqarfimmi suliassat, akisussaaffiup aalajangiisinnaatitaaffiullu tunngaviatigut allannguuteqartinneqannginnissaa aallaavigineqarpoq. Kommunit ataasiakkaat inatsisit atuuttut naapertorlugit isumaginninnermi maleruagassanik ataasiakkaanik ingerlatsivimmi aqutsinissamut akisussaasuunerat ingerlaannassaaq.

Naalackersuisut maannamut pisartutut kommunip isumaginninnermut suliassaqarfimmi suliassanik, akisussaaffimmik aalajangiisinnaatitaanermillu isumaginninnerannut nakkutilliisuussapput. Naalackersuisut maannamut pisartutut kommunimut siunnersuineramik, ikiuunermik pikkorissaanermillu suliqaqarnernik ikiuutissapput. 2016-imut aningaasanut inatsimmi isumaginninnermut suliassaqarfimmi pikkorissaanerut aamma ilinniaqqitsinermut kr. 12 mio. immikkoortinneqarput.

Naalackersuisut Qitiusumik Siunnersuisarfimmik pilersitsererput. Qitiusumik Siunnersuisarfimmut siunertaavoq meeqqanut inuusuttunullu ajornartorsiortunut sullissinerup nukittorsarneqarnissaa. Qitiusumik Siunnersuisarfik kommuninut siunnersuisarpoq ilitersuisarlunilu. Siunnersuineq ilitersuinerlu oqarasuaatikkut siunnersuinerut aammalu allakkat tunngavigalugit pisinnaavoq. Qitiusumik Siunnersuisarfik aamma angalasartunik sumiiffinni toqqartukkani ingerlatsivimmi siunnersuisinnaasunik ilitersuisinnaasunillu sulisussaqaassaaq. 2016-imut aningaasanut inatsimmi Qitiusumik Siunnersuisarfimmut kr. 19 mio. immikkoortinneqarput.

Naalackersuisut aamma kommunit ataasiakkaat akornanni annertuumik suleqatigiinneq suli ingerlasussaavoq aammalu isumaginninnermut suliassaqarfimmi suliniarnerup nukittorsarneqarnissaa pitsanngorsarneqarnissaalu ersarissumik siunertarineqarluni, minnerunngitsumillu meeqqanut inuusuttunullu ajornartorsiortunut suliassaqarfimmi.

Inatsisartut inatsisissaatuut siunnersuut manna Naalackersuisut aamma kommunit akornanni suleqatigiinnermut aammalu Naalackersuisut isumaginninnermut suliassaqarfimmi inatsisitigut aalajangersagaasumik nakkutilliinerinut tapertaasussatut eqqarsaatigineqarpoq.

Siunnersuut illoqarfimmi imaluunniit nunaqarfimmi aalajangersimasumi meeqqanut inuusuttunullu ikiorsiinissaq pillugu suliat ingerlasut naammassineqanngitsullu ingerlatsivimmi suliarineqarnerinik arsaarinnissuteqarnermut pingaartumik atuutissaaq.

Erseqqissarneqassaaq atorunnaarsitsinissaq pillugu aalajangiineq, kommunip isumaginninnermut maleruagassat ataatsimoortut malillugit aalajangiisinnaatitaaffiata tamakkiisumik Naalakkersuisunit isumagineqalerneranik, suliaqarnikkut kinguneqartussaangimmat.

Suliaqarnermi suliaasaqarfinni killissalersugaasuni aalajangersimasunilu aalajangiisinnaatitaaffiup atorunnaarsineqarnissaa pillugu aalajangiisoqarsinnaassaaq, taamaalillutillu Naalakkersuisut aalajangiisinnaatitaaffik isumagisussanngussallugu. Kisiannili suliaasaqarfiit tamarmiusut imaluunniit kommunimut tamarmiusumut atorunnaarsitsinissamut siunnersuut atorneqassasoq eqqarsaatigineqanngilaq.

Atorunnaarsitsinissaq pillugu aalajangiineq, assersuutigalugu suliassanik ataasiakkaanik aalajangersimasunik suliarinninnissamut aalajangiinissamullu malittarisassanik saneqqunneqarsinnaanngitsunik ataatsimut isigalugu pisussaaffiliinnermut imaluunniit suliassaqaqarfinni pingaarnersiutinissamik peqqusinnermut tunngassuteqarsinnaavoq. Peqqusineq taamaattoq assersuutigalugu Naalakkersuisut inatsisini aalajangersagaasumi nakkutilliinerannut nangissutigalugu nalunaarutigineqarsinnaavoq.

Naalakkersuisut inatsisini aalajangersagaasumik nakkutilliineranni, kommunimi ataatsimi meeqqanut inuusuttunullu ajornartorsiortunut tunngatillugu nalunaarutiginninnerit ikiorsiisarnerillu pillugit sulianik suliarinninnermi pingaarnersiutermilu ilungersunartumik iliuuseqarsimannngineq maannamuugallartoq qulaajaavigineqarpoq.

Naalakkersuisut paasinninnerat malillugu kommunip pisussaaffii imaluunniit innuttaasut pisinnaatitaaffii annertuumik sumiginnarneqartut paasineqarpat, pisuni ataasiakkaani piaartumik iliuuseqarsinnaanissamut inatsisitigut tunngavissanik pisariaqartunik pilersitsisoqartariaqarpoq.

Siunnersuummi matumani taamaallaat siunertaavoq innuttaasut inatsisitigut pisinnaatitaaffiisa qularnaarneqarnissai, ilanngullugulu pingaartumik meeqqat inuusuttullu ajornartorsiortut illersorneqarnissaat. Isumaginninnermut suliassaqaqarfimmi suliassat, akisussaaffiup aalajangiisinnaatitaaffiullu tunngaviusumik agguarneqarnerisa allanngortinneqarnissaa siunnersuummi matumani siunertaanngila.

Kommunit ataasiakkaat isumaginninnermut maleruagassat malillugit suliarinninnissamik pingaarnersiutinissamillu qulakkeerisariaqartut qulakkeernissamullu akisussaasuusariaqartut Naalakkersuisut suli isumaqarput, tassanilu ilaavoq minnerunngitsumik meeqqat inuusuttullu ajornartorsiortut illersorneqarnissaat. Namminersorlutik Oqartussat kommunit

isumaginninnermut maleruagassat malillugit isumaginninnissaannut, ataatsimoortumik tapiissutit aqputigalugit aammalu utertillugit akiliisarnernut aaqquissuussinerit atorlugit, tapiissuteqartarput.

1.4 Pineqaatissiisarneq

Siunnersuummi matumani kommunit aqunneqarnerat pillugu Inatsisartut inatsisaanni nr. 22, 18. november 2010-imeersumi pineqaatissiisarnermut periarfissat allanngortinneqanngillat. Kommunalbestyrelsi inatsisit malillugit suliarinninnissamik pisussaaffigisaminik iliuseqanngippat, Kommunit Nakkutilliisuisa kommunalbestyrelsimi ilaasortat iliuseqannginnermut akisussaasuusut, pinngitsaaliisummik akileeqqusissuteqarluni pisussaaffilersinnaavai.

Kommunit Nakkutilliisoqarfiat isumaginninnermut suliaasaqarfimmi kommunip iliuseqartussaataitanaera pinngitsaaliisummik akileeqqusissuteqarluni pinngitsaaliisummik piviusunngortinnissamik aalajangeeqqullugu Ilaqutariinnermut, Naligiissitaanermut Isumaginninnermullu Naalakkersuisoqarfiup piumaffigisinnaassavaa.

Kisiannili oqaatigineqareersutut, assersuutigalugu meeqqanut inuusuttunullu ajornartorsiortunut tunngatillugu piaartumik suliarinninnissamut aamma suliaasani aalajangiinissamut aammalu periaatsit suleriaatsillu pioreersut meeqqanut inuusuttunullu ajornartorsiortunut naammattumik illersuisinnaatinngit, pisuni sulianilu ataasiakkaani aalajangersimasuni piaartumik suliarinninnissamut aalajangiinissamullu pisariaqartitsisoqarsinnaasoq Naalakkersuisut naliliipput.

1.5 Naammagittaalliortarneq

Inatsisissatut siunnersuummi matumani innuttaasut Isumaginninnermi Naammagittaalliuuteqartarfimmut naammagittaalliuuteqarsinnaatitaaneranni allannguuteqartitsinernik malitseqassanngilaq. Aalajangiinerit isumaginninnermut maleruagassat malillugit Isumaginninnermi Naammagittaalliuuteqartarfimmut naammagittaalliuutigineqarsinnaasut, aalajangiineq Ilaqutariinnermut, Naligiissitaanermut Isumaginninnermullu Naalakkersuisoqarfimmit aalajangiunneqaraluartoq, allannguuteqanngitsumik Isumaginninnermi Naammagittaalliuuteqartarfimmut naammagittaalliuutigineqarsinnaapput.

2. Siunnersuuteqarnermi qulequttat

Maannakkut pisinnaatitaaffiit

Isumaginnittoqarnerup aqunneqarnera aaqquissuussaanelu pillugu Inatsisartut peqqussutaat nr. 11, 12. november 2001 naapertorlugu Naalakkersuisut periarfissaqartinneqanngillat kommunip isumaginninnikkut ingerlatsineranik tamakkiisumik ilaannakortumilluunniit arsaarinnissuteqarfiginissaanut.

Siunnersuut

Kommunip ingerlatsinikkut innuttaasulluunniit pisinnaatitaaffii eqqarsaatigalugit pisussaaffigisani annertuumik sumiginnarsimassappagit, taava Naalakkersuisut aalajangiisinaapput kommunip isumaginninnikkut ingerlatsineranik arsaarinniffigisinnaassallugu.

Atorunnaarsitsinermik aalajangiineq piffissamut siumut aalajangeriikkamut atuuttussannortinneqarsinnaallunilu pisariaqartinneqarpallu atuukkallartussatut aaqqiivigineqarsinnaalluni. Suliata ataasiakkaat nalilersorneqassapput piffissaq qanoq sivisutigisog pisariaqartinneqarnersoq.

Kommunip ingerlatsineranik atuukkunnaartitsigallarneq isumaginninnikkut inatsimmut ataatsimut arlalinnulluunniit imaluunniit taakkua immikkoortuinut sammitinneqarsinnaavoq. Atorunnaarsitsinerit makkununga tunngasuusinnaallutik:

- 1) Naalakkersuisut isumaginninnerup inatsisit pineqartut iluanni ilaannilluunniit maleruagassanik sanioqqunneqaqqusaanngitsunik aalajangersaasinaapput, tamatumani ilanngullugit suliassat aalajangersimasut aalajangiisinaanermullu tunngasut arsaarinnissutigisinaallugit.
- 2) Naalakkersuisut isumaginninnikkut maleruagassat taakkuluunniit ilaasa suliassartaat aalajangersimasut aallartillugillu ingerlatilersinnaavaat.
- 3) Kommunalbestyrelsip isumaginninnerup oqartussaaffianik taassumaluunniit ilaannik tigusigallarnissaa aalajangiunneqarsinnaavoq.

Kommunip isumaginninnermut tunngatillugu aningaasartuutigisassani isumagiinnartartussaassavai. Tamatumali saniatigut Naalakkersuisut § 7a naapertorlugu Naalakkersuisut akisussaaffimmik tigusigallarneranni aningaasartuutit kommunip isumagisassallugit. Naalakkersuisut ingerlatsigallarnermik isumaginninnissaa aalajangiunneqarsimappat, tamatumani apequtaassanngilaq ilumut kommunip aningaasaliissutissamini pineqartut immikkut aningaasaliissuteqarfigereersimanerai. Tamatumali nassatarisaannik kommunalbestyrelsip pisussaaffigissavaa aningaasartuutigineqartut matussusiivigineqarnissaat isumagissallugit.

Akisussaaffimmik arsaarinnikkallarnermi Naalakkersuisut pisinnaatitaassapput kommunip ingerlatsiviinut allaffiinullu sunulluunniit iserlutillu misissuisinnaanissamut. Taamatut aamma Naalakkersuisut pisinnaatitaapput qarasaasiakkut ingerlatsiffinnut taakkulu imarisaannut paasissutissanullu tigusaa sunik misissuisinnaanissaminnut.

Akisussaaffimmik tigusigallarneq Isumaginninnikkut Naammagittaalliuteqartarfimmut imaluunniit ingerlatsinikkut oqartussaasunut allanut naammagittaalliutigineqarsinnaanngilaq. Oqartussaaffimmik atorunnaarsitsinissaq akisussaasutut Naalakkersuisumit aalajangiiffigineqarsimappat, tamanna Naalakkersuisunut suliassannortinneqarsinnaanngilaq.

Isumaginninnermi Naammagittaalliuuteqartarfik naammagittaalliuutit ataasiakkaat aalajangersimasut suliarineqartarnissaat aalajangiiffigineqartarnissaallu siunertaralugu pilersinneqarpoq, katiterneqarluni allattoqarfimmillu sullinneqarluni. Naliliisoqarpoq Isumaginninnermi Naammagittaalliuuteqartarfik isumaginninnermut maleruagassanik ataatsimoortunik kommunip ingerlatsivimmi aqutsineranik atorunnaarsitsinissaq pillugu aalajangiinnermut misileeqqiffissatut naleqqutinngitsoq.

Kommunip isumaginninnermut maleruagassanik ataatsimoortunik ingerlatsivimmi aqutsineranik atorunnaarsitsinissaq pillugu Naalakkersuisut aalajangiinnerannut immikkut naammagittaalliortarfimmik pilersitsinissaq tunngavissaqartutut isigineqanngilaq.

Taamaaliornikkut pingaartinneqarpoq atorunnaarsitsinissaq pillugu aalajangiisoqassappat, tamanna ilaatitsinnginnertut iluseqassasoq. Kommunip isumaginninnermut maleruagassanik ataatsimoortunik ingerlatsivimmi aqutsinerannik atorunnaarsitsinnermut immikkut oqartussaasumik, ilisimasanik imaluunniit suleriaatsimik inerisaanissaq tunngavissaqanngilaq imaluunniit pisariaqartinneqarani.

Aammattaaq pingaartinneqarpoq atorunnaarsitsinissaq pillugu aalajangiineq, kommunip pisussaaffiunik imaluunniit innuttaasut pisinnaatitaaffiunik annertuumik sumiginnaanissap pitsaaliortinnissaanut kingullertut iliuusissanut ilaasoq. Atorunnaarsitsinissaq pillugu aalajangiineq kommunip kalluarneqartussap sioqqutsisumik oqaloqatigineqaqqaarneratigit aammalu kommunip pisussaaffii imaluunniit innuttaasut pisinnaatitaaffii annertuumik sumiginnarneqartut uppersaasatit tunngavigalugit, aalajangiiffigineqassasoq.

Inatsisissatut siunnersuut inatsimmuut atuuttumut sanilliullugu	
<i>Oqaasertalerneqarnera atuuttoq</i>	<i>Inatsisissatut siunnersuut</i>
	<p>§ 1 Inatsisartut isumaginnittoqarfiup aqunneqarneranut aaqqissuussaananullu peqqussutaani nr. 11, 12. november 2001-imeersumi makkunuuna allannguuteqartitsisoqassaaq:</p>
<p>§ 7. Kommunalborgstyrelsi kommunip isumaginninnikkut sanaartugassaasa piorsarneqarnerinik pilersaarutinut siunnersuusiortassaaq Naalakkersuisunullu nassiuttassallugit. Tamatuma kingorna Naalakkersuisut</p> <p>1) kommunit siunnersuutaat tulleriarlugit ataqatigiissaarlugillu pingaarnersuussavaat,</p> <p>2) kommunit isumaginninnikkut sullissinissamik aqutissiuisussaananerat</p>	

<p>naammassineqarsimanersoq nakkutigissavaat, aamma 3) inuiaqatigiit eqqarsaatigalugit nukissanik naammagintartumik atuisoqarnersoq nakkutigissavaat. <i>Imm. 2.</i> Naalakkersuisut piorsaanissamik pileraarutitut siunnersuusiortermi periusaasartut, ta makkua annertussusiat, aammalu pileraarutitut piffissatut killiliussat pillugit erseqqinnerusunik malittarisassiussapput.</p>	
	<p>1. § 7-ip kinguninnguatigut qulequttamik nutaamik ikkussisoqassaaq: <i>”Kommunip isumaginninnikkut maleruagassat toqqammavigalugit ingerlatsineranik atorunnaarsitsineq”</i></p>
	<p>2. Qulequttap kinguninngua imatut ikkussisoqassaaq:</p> <p>” § 7a. Naalakkersuisut kommunit isumaginninnikkut maleruagassat toqqammavigalugit ingerlatsinerannik atorunnaarsitsissallutik aalajangiisinnaapput, tamatumani kommuni pineqartoq pisussaaffimminnik imaluunniit innuttaasut pisisinnaatitaaffiini annertuumik sumiginnaasimappat. <i>Imm. 2.</i> Atorunnaarsitsinissaq pillugu aalajangerneq piffissamut siumut aalajangeriikkamut imaluunniit killiliinngikkaluarluni atuuttussatut aalajangerneqarsinnaavoq. <i>Imm. 3.</i> Atorunnaarsitsinissamut aalajangernermi isumaginninnermut maleruagassat tamakkerlugit imaluunniit ilaannai pillugit tamatumanilu isumaginninnikkut maleruagassanut aalajangersimasunut tunngatinneqarsinnaapput.</p> <p>§ 7b. § 7a malillugu atorunnaarsitsinissaq pillugu aalajangernermi, Naalakkersuisut</p>

	<p>isumaginninnermi maleruagassat ataatsimoortut killissaliussaasa iluanni kommunalbestyrelsi saneqqunneqarsinnaanngitsunik pisussaaffilersinnaavaat isumaginninnikkut maleruagassat aalajangersimasumik periuseqarluni ingerlatsivigineqarnissaanut aammalu suliassat aalajangiisernerillu assigiinngitsut qanoq isumagineqartarnissaanik aalajangersaanikkut. <i>Imm. 2. § 7a</i> malillugu atorunnaarsitsinissaq pillugu aalajangernermi, kommunalbestyrelsip isumaginninnikkut oqartussaaffii tamakkiisut ilaannakortulluunniit Naalackersuisunit isumagisassanngortinneqarsinnaapput. Tamatumani saniatigut Naalackersuisut isumaginninnikkut maleruagassat naapertorlugit suliassat tigullugillu aallartissinnaallugit. <i>Imm. 3.</i> Kommunip isumaginninnermut maleruagassanik ataatsimoortunik ingerlatsivimmi aqutsineranik atorunnaarsitsinissaq pillugu aalajangiineq tunngavigalugu Naalackersuisut isumaginninnermut maleruagassat ataatsimoortut naapertorlugit aalajangerneru, Isumaginninnermi Naammagittaalliuuteqartarfimmut naammagittaalliuutigineqarsinnaapput. Naammagittaalliorneq, aalajangiineq kommunimit aalajangiunneqarsimappat maleruagassat atorneqarsimasussaagaluit malillugit, pissaaq.</p> <p>§ 7c. § 7a malillugu atorunnaarsitsinissaq pillugu aalajangernerup malitsigisaanik iliuutsit aammalu isumaginninnikkut maleruaqqusat toqqammavigalugit Naalackersuisunit peqqussutigineqartut imaluunniit suliani aalajangersimasuni Naalackersuisut aalajangiineri, sioqqutsisumik kommunimit</p>
--	---

	<p>aningsaliisoqarsimanngikkaluarpalluunniit piviusunngortinniarneqarsinnaapput. Tamatumani kommunalbestyrelsi naak tunngavilersuiffigineqanngikkaluarluniluunniit pisussaaffilerneqarsinnaavoq aningaasanik atugassanik pissarsiorniarnissamut. Taamatullu pisoqartillugu Inatsisartut kommunit aqunneqarnerannut inatsisaani allaqqasut toqqammavigineqassapput.</p> <p>§ 7d. Naalackersuisut § 7a malillugu atorunnaarsitsinissaq pillugu aalajangernerup malitsigisaanik ingerlatsinermut aningaasartuuteqarneranut kommunalbestyrelsi matussusiisassaaq.</p> <p><i>Imm. 2.</i> Kommunalborgstyrelsi pineqartumi sulisooreersut allaffeqarfigisaallu Naalackersuisunut atugassiissutigissavai. Sulisut tamatumani ilanngullugit kommunini atorfilittut inissisimasut Naalackersuisut najoqqutassiarisaat toqqammavigalugit atorunnaarsitsinermi pineqartut iluanni suliassaminnik isumaginnittussaataapput.</p> <p>§ 7e. Kommunalborgstyrelsi pisussaavoq sulianut tunngatillugu paasissutissat suugaluartut il.il. Naalackersuisunit piumasarineqartut ingerlateqqittassallugit. Naalackersuisut kommunalborgstyrelsimut piunaffigineqarsinnaavoq allakkatigut nalunaarsueqqullugu.</p> <p><i>Imm. 2.</i> Imm. 1-imi taaneqartut toqqammavigalugit kommunip ingerlateqqitai, Naalackersuisunit susassaqqanngitsunut ingerlateqqinneqarsinnaanngillat.</p> <p>§ 7f. Naalackersuisut pisinnaatitaapput kommunimi sulianik ingerlatsiviusunut sumiikkaluartunut tamanut isersinnaatitaanissaminnut.</p> <p><i>Imm. 2.</i> Naalackersuisut pisinnaatitaapput kommunip qarasaasiatigut sullissisarnerni</p>
--	--

	<p>atortorissaarutaannut aammalu taakkua imarisaannut suliallu uppersaataannut misissuisinnaatitaanissamut.</p> <p><i>Imm. 3. Kommunip qarasaasiatigut sullissisarnerni atortorissaarutaannut Naalackersuisut isersinnaatitaanissaminni kommunip pisinnaatitaaffii naapertorlugit isersinnaatitaassapput.</i></p> <p>§ 7g. Naalackersuisut atorunnaarsitsinissaq pillugu aalajangererat Isumaginninnermut Naammagittaalliuteqartarfimmut allatigulluunniit ingerlatsinikkut oqartussaaffimmut ingerlateqqinneqarsinnaanngilaq.”</p>
	<p style="text-align: center;">§ 2</p> <p>Inatsisartut inatsisaat ulloq 1. juuli 2016-imiit atuutilersinneqarpoq.</p>

3. Aningaasatigut ingerlatsinikkullu pisortanut kingunerisassai

Siunnersuutip kingunerisaanik isumaginninnerup iluani marloqiusatut taaneqarsinnaasumik ingerlatsisoqalertarsinnaassaaq. Naak kommunip isumaginninnikkut ingerlatsinermi atorunnaarsitsinissaq aalajangiunneqaraluartoq, taava kommunip isumaginninnikkut ingerlatsinini aamma isumagiinnartussaassavaa, tamannali Naalackersuisut immikkut ingerlatsinerat ilutigalugu pisussaassalluni.

Aningaasartuutit isumaginninnermut maleruagassat ataatsimoortut ingerlatsivimmi aqunneqarnissaanut kommunip akisussaaffigisaanut tunngasut kommunip allannguuteqanngitsumik akilertassavai. Isumaginninnermut maleruagassani ataatsimoortuni ataasiakkaanut tunngatillugu utertitsilluni akiliisarnermut aaqqissuussineq taamaaqataanik atuutissaaq. Naalackersuisut kommunit sinnerlugit aningaasartuuteqartussaassanngillat imaluunniit aningaasartuutini akiliigallartussaassanatik.

Kommunip arsaarinninnermut aalajangiineq toqqammavigalugu Naalackersuisut immikkut aningaasartuutaannik matussusiisartussaassaaq.

Naalackersuisut suliaassanik atorunnaarsitsinissaq pillugu aalajangiinnermi pineqartunut ilaasunik isumaginninnerannut aningaasartuutit AI 2016-imi, konto pingarneq 30.01.01 Ilaqutariinnermut, Naligiissitaanermut Isumaginninnermullu Naalackersuisoqarfik, aqutigalugu akilerneqassapput. Aningaasaliissutit isumaginnittoqarfiup aqunneqarnera aaqqissuussaanelu pillugit Inatsisartut peqqussutaat naapertorlugu aningaasartuutitut

tunnngassuteqarput. Naalakkersuisut aningaasartuutaat tamatuma kingorna kommunimit pineqartumit akilersinneqassapput. Akileeqqusineq assersuutigalugu Namminersorlutik Oqartussanit tunniunneqartussani ilanngaatiginnikkut pisinnaavoq. Tamanna tunnngavigalugu naliliisoqarpoq atorunnaarsitsinissaq pillugu aalajangiisoqassappat, tamanna kontomi pingaarnermi 30.01.01 Ilaqutariinnermut, Naligiissitaanermut Isumaginninnermullu Naalakkersuisoqarfik, annertunerusunik aningaasaliissuteqarnissamik pisariaqartitsineq pilissanngitsoq.

Siumut oqaatigiuminaappoq kommunip oqartussaaffianik arsaarinnikkallarnep kingunerisaannik qanoq immikkut aningaasartuuteqarfiusinnaassanersoq. Tamannami pisut toqqammavigalugit immikkut pissuseqartuusassaaq aammalu kommunip qanoq annertutigisumik sumiginnaasimaneranik qanorlu tulleriiaarinnilluni qaqilersuisoqarlunilu isumaginnittoqarnissaa apeqqutaasarumaarluni.

4. Inuussutissarsiutitigut ingerlatsinnermut aningaasatigut ingerlatsinikkullu kingunerisassai

Siunnersuut inuussutissarsiuteqartunut aningaasatigut ingerlatsinikkullu sunniuteqassanngilaq.

5. Avatangiisinut, pinngortitamut inuit peqqissuunissaannut sunniutaasinnaasut

Siunnersuut inuit peqqissuunissaat eqqarsaatigalugu avatangiisinut pinngortitamullu immikkut sunniuteqarnissaa ilimagineqanngilaq.

6. Innuttaasunut kingunerisassai

Siunnersuut innuttaasunut toqqaannartumik sunniuteqarnaviannngilaq.

Siunnersuuteqarnikkut qulakkeerniarneqassaaq eqqortumik sullissisoqarnissaa aammalu isumaginninnikkut suliasat pingaartillugit suliarineqartarnissaat.

Naatsorsuutigineqarpoq innuttaasut pisarnermisut kommunip isumaginninnikkut sullissisarnera pisariaqartikkunikku saaffiginnissuteqartarnerat ingerlatiinnarneqartarumaartoq. Innuttaasummi sapinngisamik misigisassavaat isumaginninnikkut suliasat piffimmi suliarineqartassasut, aamma tamatumani suliasat Namminersornerusut sulisuinit isumagineqassagaluarpataluunniit.

7. Kingunerisinnaasai pingaaruteqarsinnaasut allat

Siunnersuut piviusunngortinneqassaguni kommunip isumaginninnerup iluani ingerlatsineranut akuliuttoqarlunilu killiliisoqarsinnaassaaq. Kommunip isumaginninnikkut ingerlatsineranik arsaarinnikkallarnikkut qulaajaavigineqarsinnaassaaq ilumut kommunip isumaginninnerup iluani aningaasatigut ingerlatsinikkullu periusersai allanngortinnissaat pisariaqarnerisut.

8. Oqartussanut kattuffinnut il.il. tusarniaasarnerit

Inatsisissatut siunnersuut KANUKOKA-mut aammalu Kommuneqarfik Sermersuumut ulloq xx. januar 2016 nassiunneqarluni tusarniaassutigineqarsimavoq. Tusarniaanermi akissutit ulloq xx. februar 2016-imi utertinneqareersimassapput.

Ukunanga tusarniaassutit pissarsiarineqarsimapput [ilanngutissapput]. Tulliuttuni tusarniaanermi akissuteqaatigineqartut isummorsorfigineqassapput, aammalu tusarniaanermi allannguutissatut siunnersuutigineqartut nalilersorneqariarlutik tapitartuuneqassallutik. Maluginiaqquneqassaaq, tusarniaanermi akissuteqaatini *equngasumik* allassimasut, pingaarnersiuffigalugit tapitartuunneqarsimassammata.

Tusarniaanermi akissutigineqartut taamatut isikkoqartillugit Inatsisartut ataatsimiititaliaanut nassiunneqassapput.

Inatsisissatut siunnersuummut immikkoortunut ataasiakkaanut nassuiaatit

§ 1-imut

Nr. 1-imut

Isumaginnittoqarfiup Aqunneqarneranut Aaqqissuussaananullu Inatsisartut peqqussutaani pingaartillugit naqissusiivigineqarsimapput kikkut isumaginninnermut tunngatillugu oqartussaaffimmik tigungmiartuunersut. Maleruagassat taakkua matumani siunnersuuteqarnikkut allanngortinniarneqanngillat, taamaattumillu atuutiinnassallutik.

Inatsisip §§ 7a-7g –atigut nutaanik aalajangersakkanik nutaanik ikkussisoqarneratigut, taamatullu oqartussaaffimmik tamakkiisumik ilaannakortumilluunniit atorunnaarsitsigallarnissamut periarfissiinikkut kommunalbestyrelsip pisinnaatitaaffigisimasai pillugit nutaanik aalajangersaasoqassaaq. Tamatumuuna oqartussaaffik tamakkiisoq ilaannakortorluunniit Naalakkersuisunit tigungmineqarallartunngortinneqarsinnaavoq. Taamatut oqartussaaffimmik tigusigallarnerup qanoq sivissuseqarnissaa pisut ataasiakkaat toqqammavigalugit aalajangiiffigineqartassaaq.

Ingerlatsinikkut aqutsinermi maleruaqqusat nalinginnaasut peruserineqartartullu atuutsiinnarneqassapput. Atorunnaarsitsisoqarsimatillugu Naalakkersuisut oqartussaaffiit qanoq tullerriiarlugit aaqqissuussiffigineqarsimanersut maluginiartussaassavaat. Atorunnaarsitsineq tassa kisiat atuutitinneqassaaq kommunip isumaginninnikkut maleruaqqusanik innuttaasullu pisinnaatitaaffiini pisussaaffeqarnerata qulakkeerinniffiginiarneqarnerani.

Nr. 2-mut

§ 7a pillugu

Imm. 1-imut

Aalajangersakkatigut Naalackersuisut pisinnaatinneqarput kommunip isumaginninnikkut oqartussaaffianik atorunnaarsitsissallutik pisinnaatitaaffeqalernissaat. Aalajangiineq pisinnaavoq kommunip isumaginninnikkut maleruaqqusat naapertorlugit pisussaaffigisani taamatullu innuttaasut pisinnaatitaaffii malunnaatilimmik sumiginnarsimassagaluarpagit.

Naalackersuisut taakkuupput ilumut oqartussaaffimmik atorunnaarsitsissalluni naammattumik pissutissaqartoqarnerisut. Aamma Naalackersuisut tassaapput aalajangiisussat ilumut oqartussaaffimmik arsaarinnikkallartoqassanersut. Aammattaaq atorunnaarsitsinissamut aalajangiineq Namminersornerusuni ingerlatsinikkut periarfissaasut toqqammavigalugit nalilersuiffigereernerisigut pisinnaavoq.

Annertuumik sumiginnaasimanertut taaneqarsinnaapput assersuutigalugu isumaginninnikkut suliassat amerlasuut naapertuuttumik sularineqaratik uninngatiinnarneqartarsimassappata.

Annertuumik sumiginnaasoqarsimanera assersuutigalugu tassaasinnaapput meeqqat sumiginnarneqarnermikkut peqqissutsimikkut ineriartornerminnullu tunngatillugu, meeqqanik inuusuttuaqqanillu ikiorsiisarnermut inatsisartut peqqussutaani § 5-imi allaqqasut naapertorlugit, ulorianartorsiuteqartut kommunalbestyrelsimut nalunaarutigineqarsimasut sularineqaaqqinngitsortarsimasinnaanerat.

Annertuumik sumiginnaasoqarsimanera aamma tassaasinnaavoq Isumaginnermut Naammagittaalliuteqartarfimmik kommunimit aalajangersimasumit pissarsiaqartarsimanera, tamatumali kingunerisaanik Isumaginninnermut Naammagittaalliuteqartarfiup innuttaasut illerlugit aalajangiisariaqartarsimanera.

Annertuumik sumiginnaasoqarsimaneranik aamma naliliisoqarsinnaavoq, assersuutigalugu imaassimappat kommunip isumaginninnikkut ingerlatsiviani isumaginninnikkullu siunnersortit kommunip isumaginninnikkut aningaasaliissutigisimasaasa annikippallaarneri pissutigalugu aningaasaliissutit naammangitsut naliliiffigineqartariaqartut, taamaattumillu suliassat assigiinngitsut isumagineqarsinnaanissaat piviusorsiorani. Tamanna ilaatigut imatut nassataqarsinnaalluni isumaginninnikkut siunnersortit ataasiakkaat ima suliakkorsorneqartartigisut, allaat isumaginninnikkut suliassat nalilersuiffigineqartuarariaqartartut sorliit pingaarnerunersut suullu allat uninngatiinnarneqartariaqarnerisut.

Qulaani taaneqartut assersuutaannaapput, aammalu annertuumik sumiginnaasoqarsimaneranik tamakkiisuusutut taaneqarsinnaannatik.

Imm. 2-mut

Siunnersuummi ilanngunneqarsimangilaq kommunip isumaginninnikkut oqartussaaffianik illuartitsigallarnerup qanoq sivisussusilerneqarsinnaanera eqqarsaatigalugu. Tamanna pisut ataasiakkaat toqqammavigalugit aalajangiiffigineqartassaaq. Atorunnaarsitsigallarnerneq

piffissami sivisunerusumi atuuttussanngortinneqarsinnaavoq. Tamatumani toqqammavigineqartut nalilersorneqarneri naapertorlugit aalajangiivigineqartassaaq.

Ilaqutariinnermut, Naligiissitaanermut Isumaginninnermullu Naalackersuisoqarfik nammineq ingerlatsinerminut akisussaasuussaaq, ilanngullugu sulianik atorunnaarsitsinissaq pillugu aalajangiinermi pineqartunut ilaasunik ingerlatsivimmi aqutsineq. Kommunip isumaginninnermut maleruagassanik, atorunnaarsitsinissaq pillugu aalajangiinermi pineqartunut ilaangitsunut, ingerlatsivimmi aqutsinissamut akisussaasuunera ingerlaannassaaq.

Piffissami sivisunerusumi illuartitsisoqarsimassappat kommuni suleqatigalugu pilersaarusiorneqarsinnaavoq, qanoq periuseqarluni atorunnaarsitsigallarneq aammalu qanoq iliorluni kommunimut oqartussaaffimmik tunniusseqqinnissaq piviusunngortinniarneqarsinnaassanersoq. Naalackersuisut pisinnaatitaapput allannguutissanik aammalu siumut pilersaarusiortoqarnissaanik piumasaqaateqarnissamut. Kommunip isumaginninnermut maleruagassanik ingerlatsivimmi aqutsinermik isumaginninnissamut kommunimut tunngavissaliisumik, isumaginninnermut suliassaqarfimi aningaasaliissuteqarnissap, sulisussaqaarnermi aalajangersaasimanissap il.il. qulakkeernissaa sulissutigisariaqarpaa. suliassat atorunnaarsitsinissaq pillugu aalajangiinermi pineqartunut ilaasut kommunimut utertinnissaannut sapinngisamik sukkanerpaamik tunngavissaqalernissaa, kommunip sulissutigisariaqarpaa. Tamatumuuna naqissusiivigineqarpoq, kommunalbestyrelsi tassaamat tunngaviatigut akisussaaffimmik tigungmiaqartuusoq aammalu isumagissallugu pisussaaffimminik innuttaasullu isumaginninnikkut maleruagassat eqqarsaatigalugit pisussaaffeqartuusoq.

Kommunalbestyrelsip taamaalilluni pisunik atorunnaarsitsinissaq pillugu aalajangiinissamut pissutissaqalersitsisimasunik aaqqiissutissanik pingaarnersiuinermigut, atorunnaarsitsinissaq pillugu aalajangiineq atorunnaarsissinnaavaa.

Imm. 3-mut

Kommunip isumaginninnermut oqartussaaffia tamakkiisoq imaluunniit taassuma ilaa Naalackersuisunit tigugallarneqarsinnaavoq. Assersuutigalugu Inatsisartut meeqqat inuusuttuaqqallu ikiorserneqartarnerat pillugit peqqussummi pineqartut imaluunniit Annertuumik innarluutilinnik ikiorsiisarnermut Inatsisartut peqqussutaani pineqartut arsaarinnissutigillarneqarsinnaassapput.

§ 7b pillugu:

Imm. 1-imut

Naalackersuisut ingerlatsinermik oqartussaaffik atorunnaarsitsineq aalajangiiffigisinnaavaat sinaakktissat malitassallu aalajangersimasut peqqussutiginerisigut aammalu

piumasaqaatigisinnaallugu isumaginninnikkut maleruagassat toqqammavigalugit isumagisarnerisigut.

Suliassat qanoq isumagineqarnissaanik aalajangersaanikkut assersuutigalugu isumaginnittoqarfimmi sulisut amerlassusissaanut qanorlu ilinniagaqarsimanissaat taakkuluunniit amerlineqarnissaat piumasaqaateqartoqarsinnaavoq. Isumaginnittoqarfimmi imaluunniit suliassat, assersuutigalugu meeqqanut inuusuttunullu tunngatillugu, piaartumik sularineqarnissaannut aalajangiiffigineqarnissaannullu tunngavissiiisuni isumalluutaasuni allani kommunip sulisuisa allatut agguataarneqaqqinnissaat pisariaqartinneqarsinnaavoq.

Aammattaaq Naalackersuisut sullissisarnerni malitassanik najoqqutaliorsinnaapput, suliassat akineqarnissaanut malitseqartinneqarnissaanullu piffissaliisarsinnaapput. Taamatuttaaq suliat nutaat, ingerlanneqartut naammassineqarsimasullu pillugit isumagineqarsimanerilu pillugit Naalackersuisunut nalunaarusiortussangortitsisoqarsinnaalluni.

Isumaginninnermut maleruagassat nassuiarneqartarnerannut atorneqartarnerannullu malittarisassat, isumaginninnermut maleruagassanut pineqartunut killissaliussat iluanni aalajangersarneqassapput. Siunnersuut naapertorlugu piginnaatitsissuteqarnerit isumaginninnermut maleruagassani pineqartuni Naalackersuisunut piginnaatitaaffiliunneqartut saniatigut malittarisassanik aalajangersaasoqarsinnaanngilaq.

Imm. 2-mut

Naalackersuisut akisussaaffimmik atorunnaarsitsinissaq aalajangiiffigisinnaavaat isumaginninnikkut maleruagassat naapertorlugit nammineerlutik suliassanik aallartitsinermikkut aammalu tamakku ingerlanneqariilersullu aalajangiiffigisarlugit.

Naalackersuisut annertuumik iliuseqarsinnaapput kommunip isumaginninnikkut allaffeqarfianik akisussaaffianik tigusinermikkut, soorlu Inatsisartut meeqqanik inuusuttuaqqanillu ikiorsiisarneq pillugu peqqussummi pineqartut imaluunniit Inatsisartut annertuumik innarluuteqartut pillugit peqqussummi pineqartut ingerlatsivigineqarnerat akisussaaffigilerallarneratigut.

Tamatumani aalajangiisuusaaq qanorpiaq nalilersuisoqarsimanersoq, suut pisut toqqammavigalugit alloriarfigineqassanersut kommunip pisussaaffigisimasai innuttaasullu isumaginninnikkut maleruagassat naapertorlugit piginnaatitaaffii eqqarsaatigalugit naammassinnittoqarsinnaaqqullugu.

Ingerlanerluttoqarsimanagera suliat annertuumik soorlu sulissussisarfimmi aalajangersimasumi qaleriiaaginnartinneqalernerinik pissuteqarsimassappat, soorlu napparsimasoqarnera imaluunniit atorfiit inuttalerneqarsimannginnerinik pissuteqarsimassappat, Naalackersuisut oqartussaaffimmik tigusigallarsinnaapput tamatumani suliassat isumagineqarnissaat aalajangiiffigineqartarnissaallu siunertaralugu.

Imaassimappat atorfiit inuttalerneqarsimanginnerat, naamattumik piginnaasaqartunik sulisoqannginneq, inuttassarsioraluarluni ilinniarsimasunik qinnuteqartoqarsimanginnera, aningaasaliissutit ikippallaarsimanagerat aammalu sumiginnaaneq nalinginnaasuusimappat tamatumani atorunnaarsitsineq iluamik ingerlaleqqittoqarnissaa siunertaralugu pisinnaavoq.

Kommunip aqutsisoqarfia tamakkiisoq taassumaluunniit ilaa atorunnaarsinneqarallarsinnaavoq. Atorunnaarsitsinermi pineqarsinnaavoq kommuni tamarmiusoq imaluunniit illoqarfinni nunaqarfinnilu aalajangersimasuni isumaginninnikkut ingerlatsiveqarfiit.

Kommunip Naalackersuisulluunniit nakkutilliinermikkut ingerlatsinikkut sumiginnaanerit illoqarfinni nunaqarfinniluunniit pissusiviusunit aallaaveqartissinnaavai, taamatullu pisoqartillugu oqartussaaffik tigugallarneqarnera illoqarfimmut nunaqarfimmulluunniit tunngatinneqarsinnaalluni.

Imm. 3-imut

Erseqqissarneqarpoq isumaginninnermut maleruagassanik kommunip ingerlatsivimmi aqutsineranik atorunnaarsitsinissaq pillugu aalajangiineq tunngavigalugu, isumaginninnermut maleruagassat naapertorlugit Ilaqutariinnermut, Naligiissitaanermut Isumaginninnermullu Naalackersuisoqarfimmit aalajangiinerit, Isumaginninnermi Naammagittaalliuuteqartarfimmut naammagittaalliuutigineqarsinnaasut. Naammagittaalliorneq maleruagassat kommuni aalajangiisuuppat malinneqartussat, malillugit pissaaq.

§ 7c pillugu

Isumaginninnikkut maleruagassat ilisarnaatigivaat innuttaasut maleruagassat toqqammavigalugit piunasaqaatit assigiinngitsut naammassineqarsimangaangata pisinnaatitaaffeqalartarmata. Aningaasaliissutit tamakku kommunimit isumagineqartartussaapput, tamatumani apeqqutaasarani ilumut kommunip missingersuutaani naamattumik immikkoortitsisoqarsimangersoq.

Aalajangersakkami aalajangersarneqarpoq aningaasartuutit isumaginninnermut maleruagassat ingerlatsivimmi aqunneqarnerannut kommunip akisussaaffigisaannut tunngasut kommunip allannguuteqanngitsumik akilertassagai. Isumaginninnermut maleruagassani ataatsimoortuni ataasiakkaanut tunngatillugu utertitsilluni akiliisarnermut aaqqissuussineq taamaaqataanik atuutissaaq.

Aalajangersakkap malitsigisaanik kommunalbestyrelsip pisariaqarpat pisariaqartunik aningaasaliissuteqarluni nalunaaruteqarnissaa utaqqisariaqarnagu, Ilaqutariinnermut, Naligiissitaanermut Isumaginninnermullu Naalackersuisoqarfiup suliat, assersuutigalugu

meeqqanut inuusuttunullu ajornartorsiortunut ikiorsiinissamut tunngassuteqartut, suliarisinnaavai aalajangiiffigisinnaallugillu.

Naalackersuisut kommuni sinnerlugu aningaasartuuteqartussaassanngillat imaluunniit aningaasartuutunik akiliussigallartussaassanatik.

Taamatut atorunnaarsitsisoqarsimatillugu Naalackersuisut kommuni piumaffigisinnaavaa atorfilinnik aalajangersimasunik ilinniarsimasunik atorfinitsitsiniaqqullugu imaluunniit pisariaqartinneqartut naapertorlugit kommunip ingerlatsiviani aningaasaliissutit isumaginninnikkut maleruaqqusat naapertorlugit nalimmassarneqaqqullugit. Aningaasartuutit taamaattut pisariaqartunik aningaasaliissuteqarnissaq utaqqinagu, kommunimi ingerlatsivimmi aningaasartuutigineqarsinnaapput.

Aalajangersagaq Inatsisartut kommunit aqunneqarnerat pillugit Inatsisaanut nr. 22, 18. november 2010-meersumi § 44, imm. 2, 2-mut tunngassuteqarpoq. § 44, imm. 2, 2-mi inatsisitigut, peqqussutitigut allatigulluunniit pisussaaffiliissutigineqarsimasoq, isumagineqartussaavoq kommunalbestyrelsip siumut aningaasaliissuteqarsimanera apeqqutaatinnagu.

§ 7d pillugu

Imm. 1-imut.

Atorunnaarsitsinissamik aalajangiinerup allanngortissanngilaa kikkut isumaginninnikkut maleruaqassat naapertorlugit aningaasartuuteqartuunissaat eqqarsaatigalugu.

Assersuutigalugu meeqqanut inuusuttuaqqanullu inatsisartut peqqussutaat naapertorlugu isumagisassat kommunip aningaasalersortussaavai. Tamanna aamma atuutitinneqassaaq Naalackersuisut inatsisartut peqqussutaa naapertorlugu oqartussaaffimmik tamakkiisumik ilaannakortumilluunniit tigusigallarsimanerat apeqqutaatinnagu.

Tamanna apeqqutaatinnagu atorunnaarsitsinerup nalaani Naalackersuisut isumaginninnermut maleruaqqusat naapertorlugit aningaasartuutigisimasaannik kommuni utertitsisussaassaaq. Tassami imaamat kommunip sumiginnaasimanera toqqammavigalugu oqartussaaffimmik atorunnaarsitsisoqarsimasoq, taamaattumillu Naalackersuisut pineqartunut immikkut aningaasartuuteqartariaqarallarsimassasut.

Naalackersuisut aningaasartuutaat assersuutigalugu sulisorineqartut aningaasarsianut, angalanerinut, allaffissornerinut il.il. tunngassuteqarsinnaapput. Tamatuma saniatigut Namminersornerusut iluanni immikkut, soorlu sulisorisanut, akissarsianut, naatsorsuuserinernut, allaffinnut aningaasartuutigiumaakkat tagginneqarnerat naapertorlugit matussuseqquneqarsinnaapput.

Imm. 2-mut

Naak atorunnaarsitsineq pisimagaluarpat kommunip allaffissornikkut ingerlatsiveqarfini atuutsiinnartissavaa. Naalackersuisut aalajangiisinnaatitaaffimmik tigusigallarneranni,

isumaginninnikkut maleruaqqusat naammassiniarneqarnerat piffinni pineqartuni isumagineqartussaassapput, tamatumani kommunip sulisui suleqatigineqartussaassallutik.

Tamakku toqqammavigalugit kommunalbestyrelsi pisussaaffeqarpoq suliassat atorunnaarsitsinermi pineqartut isumagineqarsinnaaqqullugit piffinni allaffissornikkut ingerlatsiviusinnaasunik – aamma sulisooreersut eqqarsaatigalugit – Naalakkersuisunut inissaqartitsissalluni. Tamatumani pingaaruteqarpoq manna tikillugu sulisorineqarsimasut allanik suliaqartinneqalinnginnissaat, taamaasiornikkummi Naalakkersuisut sinnerlugit atorunnaarsitsinermi suliassanik isumaginnittussat sulinissaminnut periarfissaat ajornakusoornerulertinneqarsinnaammat.

Kommunimi sulisut pineqartut atorfeqarnermikkut allannguuteqanngitsumik toqqammaveqarlutik suliffigisaminni ingerlaqqiinnassapput. Sulisut pineqartut Naalakkersuisut aalajangersagaat toqqammavigalugit atorunnaarsitsinerup nalaani tunngassuteqaraluarpataluunniit ingerlatsiinnartussaassallutik.

Naliliinermi toqqammavigineqarpoq sulisut pineqartut atorfeqarnermut sulinerminnullu atugarilikkatik toqqammavigalugit kommunimut Naalakkersuisunulluunniit immikkut piunasaqaateqarsinnaanngitsut. Ilanngullugu naliliiffigineqarpoq atorfilittut sulisuusut (tjenestemandit) atorunnaarsitsigallarnerup nalaani Naalakkersuisut oqartussaataitaanit pisussaaffilerneqalersinnaanertik pissutiginnarlugu pisinnaatitaaffiginngimmassuk utaqqiisaasumik, immikkut tapisiaqarnissamut pensionisianulluunniit tunngatillugu immikkut piunasaqaateqarsinnaanngitsut.

§ 7e pillugu

Kommuni pisussaaffeqarpoq Naalakkersuisunut paasissutissat sulianullu tunngatillugu uppersaatit tunniuttassallugit. Naalakkersuisut piunasaqaatigisinnaavaat isumaginninnikkut ingerlatsinermi paasissutissat uppersaatillu suugaluartut kommunip ingerlatsiveqarfianit pissarsiarissallugit. Aalajangersagaq manna atorunnaarsitsinerup pinnginnerani ingerlanerani pisinnaavoq.

Paasissutissat uppersaatillu ilumut sumiginnaasoqarsimaneranik tamatumali pisariaqartinneqarsimaneranik uppersaatinut ilapittuutaapput. Tamatuma saniatigut paasissutissat uppersaatillu Naalakkersuisut isumaginnittuuneranni suliassat isumagineqarnissaanut atorneqartussaassallutik.

Imm. 2-mut

Tunngaviatigut uppersaatit paasissutissallu kommunip Naalakkersuisunut ingerlateqqittussaassavai. Aallaavigineqarpoq tamatumani pisussaaffiup eqqortumik naammassiniarneqarnissaa taamaasilluni uppersaatit atorneqarnissaminnut iluaqutigineqarsinnaaqqullugit. Tamanna qaqugukkulluunniit apeqquserneqarsinnaaleqqunagu

Naalackersuisut paasissutissat pineqartut tutsuiginartumik pineqartussaanerat isumagisassavaat.

§ 7f pillugu

Imm. 1-3-mut

Aalajangersakkatigut Naalackersuisut pisinnaatinnearput kommunip allaffiutaanut, toqqorsiviinut aammalu sullissisarnerni qarasaasiatigut atortorissaarutaannut atorunnaarsitsinerup pinnginnerani ingerlaneranilu tunngassuteqartunut iserlutik suliaqarsinnaasarnissaanut.

Pissusissamisoorsinnaavoq Naalackersuisut killilersorneqanngitsumik allaffinnik, toqqorsivinnik qarasaasiatigullu atortorissarutinut isersinnaanissamut periarfissinneqarnissaat naqissusiivigissallugu.

Taamatut isersinnaatitaanermut tunngavissaqarneq sumiginnaasimanerit annertuut nalilersorneqarnerannut tunngatillugu pisariaqartinneqarsinnaavoq. Ilumut atorunnaarsitsisimanerup pissusissamisoortuunera tamatumuuna aamma uppersiniarneqarsinnaavoq.

Iserinnaatitaanissaq pissusissamisoortuusinnaavoq Naalackersuisut atorunnaarsitsinerup nassatarisaannik suliasanik isumaginninniarnerni.

Nalinginnaasumik kinaassusersiunnginnissaq annertoqqatigiimmillu pinninnissaq pillugit tunngaviusut malillugit, suliasanik atorunnaarsitsinissaq pillugu aalajangiinermi pineqartunut ilaasunik isumaginninnissamut pisariaqartut Naalackersuisunit naliliiffigineqartut taamaallaat pissarsiariniarneqartussaapput. Siunnersuummi § 7f atituumik oqaasertalerneqarpoq, tassami kingusinnerusukut atorunnaarsitsinissaq pillugu aalajangiinermut atatillugu pisariaqartitsinerup killissalersornissaa sioqqutsisumik ajornarpoq.

§ 7g pillugu

Imm. 1-imut

Naalackersuisut taakkuupput naliliisussat ilumut isumaginninnikkut maleruagqusat aammalu innuttaasut pisinnaatitaaffii kommunimit sumiginnarneqarsimanersut.

Akisussaaffimmik atorunnaarsitsigallarnissaq Naalackersuisunit aalajangiunneqarsimappat, tamatumani siunertaavoq kommunip innuttaasut tungaanut isumaginnikkut maleruagassat naapertorlugit isumaginnittoqarnissaa qulakkeerniassallugu.